



NAZARBAYEV  
UNIVERSITY

**«Назарбаев Университеті» дербес білім беру ұйымы Жаратылыстану,  
әлеуметтік және гуманитарлық ғылымдар мектебінің жаратылыстану-  
ғылыми бағытындағы докторантура бағдарламаларына қабылдау  
қағидалары мен рәсімдері**

**Санаты:** Қағидалар

**Бекітілген күні:** 19.01.2023

**Күшіне енген күні:** 19.01.2023

**Қолжетімділік деңгейі:** Ашық қолжетімділік

**Сыныптауыш бойынша нөмірі:** 2.1 ADMS

**Бекітуші орган:** Провост

**Тіркеу нөмірі:** 04-н/қ

**Иесі:** Жаратылыстану, гуманитарлық және  
әлеуметтік ғылымдар мектебі

**Қайта қарау күні:** 01.12.2025

**Қолданылуы:** НУ және НУ талапкерлері

**Күші жойылған құжаттар:**

**Атауы:** «Назарбаев Университеті» автономды ұйымының Жаратылыстану,  
әлеуметтік және гуманитарлық ғылымдар мектебінің Жаратылыстану-  
ғылымдары бағытындағы докторантура бағдарламаларына қабылдау  
қағидалары мен рәсімдері

**Күні:** 03.05.2022

**Тіркеу нөмірі:** 53-н/қ

**Бекітуші орган:** Провост



## 1-бөлім. Мақсаты және қолданылуы

1.1. Осы «Назарбаев Университеті» дербес білім беру ұйымы Жаратылыстану, әлеуметтік және гуманитарлық ғылымдар мектебінің жаратылыстану-ғылыми бағытындағы докторантура бағдарламаларына қабылдау қағидалары мен рәсімдері (бұдан әрі – Қағидалар мен рәсімдер) қабылдау процесінде басқару мен сақтауға арналған қағидалар мен рәсімдерді белгілейді.

1.2. Осы Қағидалар мен рәсімдер «Назарбаев Университеті» дербес білім беру ұйымы Жаратылыстану, әлеуметтік және гуманитарлық ғылымдар мектебінің жаратылыстану-ғылыми бағытындағы докторантура бағдарламаларына және жаратылыстану-ғылыми бағытындағы докторантура бағдарламаларына өтінім беретін үміткерлерге қолданылады.

## 2-бөлім. Анықтамалар

2.1. Осы Қағидалар мен рәсімдерде пайдаланылатын аббревиатуралар мен қысқартулардың негізгі ұғымдары мен мағыналары:

2.1.1. **CGPA** (Cumulative Grade Point Average) – студенттің дәреже алуға ықпал ететін барлық бағаларының орташа мәнін есептеу;

2.1.2. **ETS** (Educational Testing Service) – тестілеу мен бағалауды ұйымдастыруды жүзеге асыратын және TOEFL-ді қоса алғанда, халықаралық емтихандарды әкімшілендіретін коммерциялық емес жеке білім беру ұйымы;

2.1.3. **GRE** (Graduate Record Examinations) – ETS, «Educational Testing Service» (АҚШ) әзірлеген вербальды ойлау, сандық пайымдау, аналитикалық жазу және сыни ойлау дағдыларын бағалау үшін пайдаланылатын стандартталған тест;

2.1.4. **IELTS** (International English Language Testing System, академиялық нұсқа) – Британдық Кеңес, «IDP Education» және «Cambridge English Language Assessment» бірлесіп әкімшілендіретін, ағылшын тілін білу деңгейін анықтауға арналған стандартталған тест;

2.1.5. **TOEFL** (Test of English as a Foreign Language) – Білім беруді тестілеу қызметі (АҚШ) әзірлеген ағылшын тілін білу деңгейін анықтауға арналған стандартталған тест;

2.1.6. **Сыртқы сарапшы** – Университеттің басқа мектебінің немесе тиісті келісім бойынша Серіктес мекеменің немесе халықаралық деңгейде танылған университеттің және/немесе тиісті ресурстары (зияткерлік, ғылыми, әдістемелік, білім беру, технологиялық, техникалық, адами) бар және өз қызметін ғылыми-зерттеу, оқытудың заманауи әдістемесі мен технологиялары, білім беру бағдарламаларын әзірлеу мен іске асыру және т.б. сияқты салалардың бірінде немесе бірнешеуінде жүзеге асыратын, яғни талапкерлерге сараптама мен бағалауды жүргізумен айналысатын, сондай-ақ сапаны қамтамасыз ету үшін сыртқы оқырман немесе бағалаушы ретінде әрекет ететін ғылыми-зерттеу институтының өкілі;

2.1.7. **Студенттерді оқуға қабылдау департаменті** – Университеттің



университет алдындағы дайындық, бакалавриат, магистратура және докторантура бағдарламаларына студенттерді қабылдауды жүзеге асыруға жауапты Университеттің құрылымдық бөлімшесі;

2.1.8. **Жеке кабинет** – үміткерге тіркелгеннен кейін Университеттің веб-сайтында ([admissions.nu.edu.kz](http://admissions.nu.edu.kz)) жеке кеңістік беретін онлайн сервис;

2.1.9. **Іріктеу кезеңі** – онлайн тіркелуді, құжаттарды қарауды, бір немесе бірнеше қабылдау турларынан тұруы мүмкін бағалау мен қабылдау процестерін қамтитын Университетке өтініш беру мерзімдерінің жиынтығы;

2.1.10. **Қабылдау комиссиясы** – Жаратылыстану-ғылыми бағытындағы докторантура бағдарламаларына қабылдау жөніндегі іс-шараларды іске асыру үшін құрылған Университеттің консультативтік-кеңесші органы;

2.1.11. **Қабылдау туры** – Жаратылыстану-ғылыми бағытындағы докторантура бағдарламаларына қабылдаудың барлық кезеңінде өтініш беруден басталатын қабылдау процестерінің мерзімі;

2.1.12. **Жаратылыстану-ғылыми бағытындағы докторантура бағдарламасы** – Жаратылыстану, әлеуметтік және гуманитарлық ғылымдар мектебі іске асыратын, осы Қағидалар мен рәсімдерге қосымшада көрсетілген бағдарламалардың бірі;

2.1.13. **Магистратура/Докторантура бағдарламасының дайындық жылы** – Университеттің магистратура/докторантура бағдарламасына қабылданған, бірақ Мектепке тез арада түсу үшін қажетті ағылшын тілін білмейтін студенттерге арналған екі семестрлік, кредиттік емес, қарқынды ағылшын курсының және біліктілікті арттыру курсының күндізгі нысаны;

2.1.14. **Университет** – «Назарбаев Университеті» дербес білім беру ұйымы;

2.1.15. **Шартты қабылдау/алу** – Қабылдау туралы шешімде көрсетілген мерзіммен немесе шарттармен Жаратылыстану-ғылыми бағытындағы докторантура бағдарламаларына үміткерлерді қабылдау/алу түрі;

2.1.16. **Мектеп** – жаратылыстану-ғылыми бағытындағы докторантура бағдарламаларын ұсынатын Университеттің Жаратылыстану, әлеуметтік және гуманитарлық ғылымдар мектебі.

2.2. Осы Қағидалар мен рәсімдерде пайдаланылмаған терминдер мен анықтамалар Университеттің ішкі құжаттарымен анықталады.

### 3-бөлім. Негізгі ережелер

#### 3.1. Түсуге қойылатын талаптар

3.1.1. Жаратылыстану-ғылыми бағытындағы докторантура бағдарламасына қабылдау мериократияға негізделеді және конкурстық негізде жүзеге асырылады.

3.1.2. Жаратылыстану-ғылыми бағытындағы докторантура бағдарламасына түсу үшін конкурсқа қатысуға осы Қағидалар мен рәсімдердің ережелеріне сәйкес келетін үміткерлер жіберіледі.



3.1.3. Жаратылыстану-ғылыми бағытындағы докторантураның әрбір бағдарламасы бойынша үміткерлерге қойылатын нақты талаптар осы Қағидалар мен рәсімдерге қосымшада берілген.

Тест туралы сертификаттар, егер олардың жарамдылық мерзімі үміткерлер өтініш берген кезде аяқталмаса, жарамды болып саналады.

3.1.4. Академиялық және практикалық тәжірибенің өзектілігін, сондай-ақ бұрынғы дәрежелердің баламалылығы мен орындылығын Қабылдау комиссиясы айқындайтын болады.

3.1.5. Жаратылыстану-ғылыми бағытындағы докторантура бағдарламасына құжаттар пакетінің бақылау тізімін Мектеп анықтайды және осы Қағидалар мен рәсімдерге қосымша ретінде қоса беріледі.

## 3.2. Оқуға түсуге өтінім беру процесі

3.2.1. Университеттің бір немесе екі бағдарламасына өтінім беретін үміткерлер көрсетілген мерзімде Жеке кабинетте мынадай іс-қимылдарды орындауы қажет:

1) жеке деректерді өңдеуге келісімді қабылдау, онлайн өтінімді толтыру және жүктеу;

2) осы Қағидалар мен рәсімдерге қосымшада көрсетілген қажетті құжаттардың сканерленген көшірмелерін жүктеу;

3) Тест әкімшісі жүйесінде IELTS немесе TOEFL сертификатының жарамды балдарының нәтижелерін растау және оның сканерленген көшірмесін жіберу;

4) Университеттің Басқарушы кеңесі босатпаса, қайтарылмайтын тіркеу жарнасын төлеу. Тіркеу жарнасының мөлшерін Университеттің Басқарушы кеңесі бекітеді.

3.2.2. Қажет болған жағдайда Қабылдау комиссиясы және/немесе Студенттерді оқуға қабылдау департаменті қосымша құжаттарды сұрай алады.

3.2.3. Оқуға қабылданған студенттердің осы Қағидалар мен рәсімдермен талап етілетін және қабылдау кезеңінде үміткердің Жеке кабинетіне жүктелген құжаттары Регистратор офисінде электрондық форматта қолжетімді және студенттің жеке ісін қалыптастыру үшін пайдаланылады.

3.2.4. Жаратылыстану-ғылыми бағытындағы докторантура бағдарламасына студенттерді қабылдау кезеңін, кезеңдер санын және қабылдаудың барлық соңғы мерзімдерін Студенттерді оқуға қабылдау департаменті белгілейді және Мектеп Деканы немесе ол тағайындаған адам бекітеді және Университеттің веб-сайтында жарияланады.

3.2.5. Барлық құжаттар ағылшын тілінде немесе нотариалды куәландырылған ағылшын тіліндегі аудармасымен бірге ұсынылуы тиіс.

3.2.6. Үміткерлер бір академиялық жыл ішінде Университет ұсынатын екі бағдарламаға ғана өтінім бере алады. Екі бағдарламаға да түскен жағдайда, үміткер тек бір бағдарламаны таңдауы тиіс.



3.2.7. Құжаттардың толық пакетін ұсыну Жаратылыстану-ғылыми бағытындағы докторантура бағдарламасына түсуге кепілдік бермейді.

3.2.8. Жалған және/немесе толық емес ақпарат беру іріктеу процесінен шығаруға немесе қабылданған жағдайда Университеттен оқудан шығаруға әкеп соғады. Құжаттарды бұрмалаған немесе әңгімелесуден өту рәсімінің талаптарын бұзған үміткерлер іріктеу процесінен шығарылады немесе Университетке оқуға түсіп қойған жағдайда, оқудан шығарылады және дисквалификацияланған күннен бастап келешекте қаржыландырудың кез келген түрі шеңберінде кез келген деңгейдегі бағдарламаларға конкурсқа қатысуға жіберілмейді.

3.2.9. Оқуға қабылдауға ұсынылған үміткерлер Студенттерді оқуға қабылдау департаментінің сұрауы бойынша осы Қағидалар мен рәсімдерге қосымшаның 4-тармағында көрсетілген құжаттардың сканерленген нұсқасын ұсынуы тиіс.

3.2.10. Оқуға қабылдау туралы шешім шағымдануға жатпайды.

3.2.11. Үміткерлер келесі нұсқалардың бірі негізінде жоғары білім туралы дипломдарға өздерінің қорытынды транскрипттерінің бар болуын растауы керек:

1) алдыңғы оқу орны пошта жөнелтімі арқылы тікелей Студенттерді оқуға қабылдау департаментіне жіберген ресми қағаз көшірме;

2) алдыңғы оқу орнының корпоративтік электрондық пошта мекенжайынан Студенттерді оқуға қабылдау департаментінің электрондық пошта мекенжайына тікелей жіберілген ресми электрондық көшірме;

3) Студенттерді оқуға қабылдау департаментіне ұсынылған немесе цифрлық есепке алу деректерінің ресми қызметтерінің көмегімен тексерілген ресми қорытынды транскрипт;

4) үміткер Студенттерді оқуға қабылдау департаментіне ресми қорытынды транскриптің қағаз көшірмесін ұсынады. Қағаз көшірменің түпнұсқасы Студенттерді оқуға қабылдау департаменті тексергеннен кейін үміткерге/студентке қайтарылады;

5) Университет түлектерінің дипломдары мен транскрипттерін Университет жүйесі арқылы тексерілуі тиіс;

Еңсерілмейтін күш жағдайларының салдарынан жоғарыда аталған нұсқаларды орындау мүмкін болмаған жағдайда, мынадай нұсқалар:

1) Қазақстан Республикасының құқықтық органдары берген дипломды нострификациялау туралы куәліктің сканерленген көшірмесін ұсыну;

2) шетелдік оқу орнының апостилі бар құжаттың сканерленген көшірмесін ұсыну;

3) нотариалды куәландырылған диплом мен транскриптің сканерленген көшірмесін ұсыну қарастырылуы мүмкін.

### 3.3. Қабылдау комиссиясы

3.3.1. Қабылдау комиссиясы өтініштерді қарауға, қабылдау туралы шешімге сәйкес үміткерлерді бағалауға және оқуға қабылдауға ұсынуға



уәкілетті.

3.3.2. Қабылдау комиссиясының мүшелері қабылдау процесінің осы Қағидалар мен рәсімдерге, сондай-ақ Жаратылыстану-ғылыми бағытындағы докторантура бағдарламасы бойынша ғылым докторы дәрежесін алу үшін қабылдаудың нақты талаптарына және Университеттің басқа да ішкі құжаттарына сәйкес болуын қамтамасыз ету үшін жауапты болады.

3.3.3. Жаратылыстану-ғылыми бағытындағы докторантура бағдарламасының әрбіреуінде өз Қабылдау комиссиясы мен хатшысы болуы тиіс.

3.3.4. Жаратылыстану-ғылыми бағытындағы докторантура бағдарламасы бойынша Қабылдау комиссиясы ОПҚ мүшелерінен және бір немесе бірнеше Сыртқы сарапшыдан тұрады.

3.3.5. Қабылдау комиссиясының дауыс беретін мүшелерінің жалпы саны тақ санды құрауы, бірақ 5 (бес) адамнан кем болмауы тиіс. Қабылдау комиссиясының құрамына дауыс беруге құқығы бар мүшелерден басқа дауыс беруге құқығы жоқ мүшелер де енгізілуі мүмкін.

3.3.6. Қабылдау комиссиясының қызметін Қабылдау комиссиясының төрағасы (бұдан әрі – Төраға) басқарады. Қабылдау комиссиясының мүшелері, оның ішінде Төраға, Университет Провостының немесе оны алмастыратын тұлғаның шешімімен бекітіледі.

3.3.7. Қабылдау комиссиясының құрамына Төрағаның орынбасары кіруі мүмкін. Төрағаның орынбасары Университет Провостының немесе оны алмастыратын тұлғаның шешімімен тағайындалады. Қабылдау комиссиясының Төрағасы болмаған жағдайда оның өкілеттіктерін Төрағаның орынбасары жүзеге асырады.

3.3.8. Қабылдау комиссиясының хатшысы Университет Провостының немесе ол уәкілеттік берген тұлғаның шешімімен тағайындалады. Хатшы Қабылдау комиссиясының мүшесі болып табылмайды.

Қабылдау комиссиясының хатшысы болмаған жағдайда Қабылдау комиссиясының Төрағасы немесе ол уәкілеттік берген тұлға Мектеп Деканының келісімі бойынша Қабылдау комиссиясы отырысының хаттамасында мұндай ауыстыруды көрсете отырып, алмастыратын хатшыны тағайындайды.

3.3.9. Қабылдау комиссиясының хатшысы:

- 1) Қабылдау комиссиясы отырыстарының хаттамаларында қамтылған ақпараттың дұрыстығы;
- 2) Қабылдау комиссиясының жұмысын үйлестіру және Қабылдау комиссиясының отырыстарын ұйымдастыру;
- 3) Қабылдау комиссиясы отырыстарының хаттамаларын жүргізу;
- 4) алдын ала іріктелген үміткерлерді әңгімелесуге шақыру;
- 5) үміткерлердің құжаттар пакетін және әңгімелесу нәтижелері бойынша үміткерлер алған бағалау нәтижелерін қалыптастыру (егер қолданылса);
- 6) студенттерді қабылдау мәселелері бойынша Студенттерді оқуға қабылдау департаментімен тығыз ынтымақтасу және өзара әрекеттесу;



7) Қабылдау комиссиясы отырыстары хаттамаларының тілдік нұсқаларының сәйкестігін қамтамасыз ету;

8) хаттамалар Университеттің Біріктірілген архивіне берілгенге дейін олардың сақталуын қамтамасыз ету;

9) Қабылдау комиссиясының және оның Төрағасының тапсырмаларына сәйкес басқа да іс-шараларды жүзеге асыру үшін жауапты болады.

3.3.10. Университет бағдарламаларына қабылдау үміткерлерді академиялық жетістіктеріне қарай іріктеуді, оқуға түсу кезінде барлығына тең мүмкіндіктер беруді және сыртқы факторлардың ықпалынсыз болашағы зор және талантты студенттерді іріктеуге жағдайлар жасауды көздейтін меритократия қағидатына негізделген. Жаратылыстану-ғылыми бағытындағы докторантура бағдарламасына түсетін әрбір үміткерді Қабылдау комиссиясының мүшелері жеке, әділ, жан-жақты және дәйекті түрде бағалауы тиіс. Осыған байланысты Қабылдау комиссиясының мүшелері өмірлік тәжірибесі, жеке қасиеттері, алдыңғы академиялық жетістіктері мен мансаптық мақсаттары Мектептердің мақсаттарына сәйкес келетін және Мектептің оқу ортасына үлес қосатын және одан пайда көретін үміткерлерді анықтауға мүмкіндік беретін ең тиімді іріктеу әдістемесін/процесін/критерийлерін әзірлеп, қабылдауы керек.

3.3.11. Іріктеу әдістемесі/процесі/критерийлері іріктеу процесінде әділ негізде қолданылуы және тиісті академиялық жылғы Қабылдау комиссиясының бірінші отырысының хаттамасына қоса берілуі тиіс.

### 3.4. Қабылдау комиссиясының отырыстары

3.4.1. Қабылдау комиссиясының отырыстары Қабылдау комиссиясының қатысып отырған шешуші дауыс беру құқығы бар мүшелерінің қарапайым көпшілік дауысымен айқындалатын кворум болған кезде қабылдау кезеңі ішінде қажеттілігіне қарай өткізіледі.

3.4.2. Қабылдау комиссиясы бейне- немесе аудио конференциялар немесе байланыстың басқа интерактивті тәсілдері арқылы дауыс беруді өткізе алады және отырыста шешімдер қабылдай алады. Мұндай қатысу кворумды анықтау кезінде танылады. Қабылдау комиссиясының шешуші дауыс беру құқығы бар мүшесінің интерактивті қатысу тәсілі отырыс хаттамасында көрсетіледі.

3.4.3. Қабылдау комиссиясының шешімдері дауыс беруге қатысушылардың жай көпшілік дауысымен қабылданады және кворумды анықтау кезінде ескеріледі. Дауыстар тең болған жағдайда Төраға шешуші дауыс беруге құқылы. Қабылдау комиссиясының құрамында Төрағаның орынбасары бар болған жағдайларда, Төраға болмаған кезде дауыстардың теңдігі туралы мәселелер Төраға орынбасарының шешімімен шешіледі.

3.4.4. Қабылдау комиссиясының шешімдері түпкілікті болып табылады және Университет отырысының хаттамасын жасауға қойылатын белгіленген талаптарға сәйкес Қабылдау комиссиясының хатшысымен отырыс(тар) хаттамасында ресімделеді. Отырыстың (отырыстардың) хаттамасы оқуға



қабылдауға ұсынылған барлық талапкерлердің, күту парағына қойылған талапкерлердің, қабылдау туралы ұсынысты қабылдаған және өз еркімен немесе еріксіз бас тартқан талапкерлердің, оқуға қабылдауды кейінге қалдырған талапкерлердің рейтингін қамтиды. Қабылдау комиссиясы отырыстарының жұмыс тілі – ағылшын тілі. Отырыстың (отырыстардың) қазақ және ағылшын тілдеріндегі хаттамасына Қабылдау комиссиясының Төрағасы (немесе Төрағаның орынбасары) мен хатшысы қол қояды.

3.4.5. Қабылдау комиссиясы отырыстарының хаттамалары құпия болып табылады және қызметтік міндеттері шеңберінде Университет жұмыскерлерін қоспағанда, үшінші тұлғаларға жария етілмейді.

3.4.6. Қабылдау комиссиясы отырыстарының барлық хаттамалары қабылдау комиссиясының хатшысымен тіркеледі, сканерленеді, басып шығарылады және Университеттің Біріктірілген архивіне өткізілгенге дейін сақталуына жауапты Мектепте сақталады.

3.4.7. Қабылдау комиссиясының мүшелері «Назарбаев Университеті» дербес білім беру ұйымында құпия мәліметтерді қамтитын құжаттар мен ақпаратты басқару регламентімен, сондай-ақ «Назарбаев Университеті» дербес білім беру ұйымының мүдделер қақтығысы жөніндегі қағидалары мен рәсімдерімен танысуы тиіс.

### 3.5. Қабылдау шарттары мен тәртібі

3.5.1. Конкурсқа келесі критерийлерге сай келетін үміткерлер қатыса алады:

1) жоғары оқу орындары магистратурасының соңғы курсында білім алушылар;

2) жоғары оқу орындарының магистратурасын бітірген ізденушілер;

3) Мектеп белгілеген басқа арнайы қосымша оқуға түсу талаптары.

3.5.2. Бір іріктеу циклі шеңберінде Жаратылыстану-ғылыми бағытындағы докторантура бағдарламасы бойынша оқуға үміткерлерді іріктеу процесі мынадай кезеңдерден тұрады:

1) Бірінші кезең – Студенттерді оқуға қабылдау департаменті Жеке кабинеттегі құжаттар пакеттерін қарайды және осы Қағидалар мен рәсімдерге тиісті қосымшаға сәйкес Жаратылыстану-ғылыми бағытындағы докторантура бағдарламасына қойылатын ең төменгі түсу талаптарына сәйкестігін тексереді.

Студенттерді оқуға қабылдау департаменті үміткер іріктеу процесінің келесі кезеңіне өтпес бұрын Қабылдау комиссияларына үміткердің мәртебесі, қабылдау талаптарына сәйкестігі туралы ақпаратты және құжаттардың толық пакетін ұсынады.

2) Екінші кезең – Қабылдау комиссиясының мүшелері Қабылдау комиссиясы әзірлеген әдістемеге сәйкес қабылдау талаптарына сәйкес келетін құжаттардың толық пакетін қарайды және іріктейді.

3) Үшінші кезең – Қабылдау комиссиясының мүшелері алдын ала іріктеуден өткен үміткерлермен жеке өзі немесе бейнеконференция режимінде





әңгімелесу өткізеді. Қабылдау комиссиясының мүшелері құжаттар пакетін қарау және әңгімелесу негізінде қабылдау үшін соңғы үміткерлерді анықтайды.

Тағайындалған интервьюерлердің саны әңгімелесуден өтетін әрбір үміткерге 2 (екі) адамнан кем болмауы тиіс. Қабылдау комиссиясы мүшелерінің бірде-біреуі нақты үміткер қызығушылық танытатын зерттеу саласында жоғары біліктілікке ие болмаған жағдайларда, Қабылдау комиссиясы қосымша интервьюерлерді тағайындай алады.

Қабылдау комиссиясы өз қалауы бойынша қабылдауға қосымша талаптар енгізе алады.

3.5.3. Осы Қағидалар мен рәсімдерге қосымшада көрсетілген оқуға қабылдау талаптарына сәйкес келетін толық емес өтінімдер Қабылдау комиссиясының сұрау салуы бойынша Мектепке және үшінші кезеңге ұсынылуы мүмкін. Басқа жағдайларда, толық емес өтінімдерді Қабылдау комиссиясы қабылдамайды.

3.5.4. Қабылдау комиссиясының мүшелері әзірленген әдістемеге сәйкес өздері ұсыным хат берген үміткерлерді бағалауға қатыса алмайды.

Еңсерілмейтін күш мән-жайларына байланысты кез келген қажетті оқуға түсу тестілерін ұйымдастыру/тапсыру мүмкін болмаған жағдайда Қабылдау комиссиясы көрсетілген негізгі емтихандарды басқа балама емтихандармен ауыстыруға құқылы. Бұл ретте Қабылдау комиссиясы Қабылдау комиссиясы отырысының хаттамасында көрсете отырып, іріктеудің және бағалау критерийлерінің пәрменді әдістемесін әзірлейді және бекітеді.

Іріктеуден өтпеген өтінімдерді Қабылдау комиссиясы қабылдамайды.

3.5.5. Құжаттар пакетін және әңгімелесу нәтижелерін қарау қорытындылары бойынша Қабылдау комиссиясы үміткерлерді сыныптайды және Магистратура/Докторантура бағдарламасының дайындық жылы бойынша оқуға қабылдауға ұсынылған үміткерлерді (бар болса) қоса алғанда, Жаратылыстану-ғылыми бағытындағы докторантура бағдарламасына қабылдау үшін іріктеу критерийлеріне сәйкес келетін үміткерлерді ұсынады.

3.5.6. Оқуға қабылдауға ұсынылған және Жаратылыстану-ғылыми бағытындағы докторантура бағдарламасына қабылдаудан бас тартылған үміткерлерге Студенттерді оқуға қабылдау департаменті Қабылдау комиссиясы шешім қабылдаған күннен бастап 10 (он) жұмыс күні ішінде электрондық пошта арқылы хабарлама-хат жібереді.

3.5.7. Барлық оқуға түсу талаптарына сәйкес келетін, бірақ Жаратылыстану-ғылыми бағытындағы докторантура бағдарламасына бөлінген орындар саны шектеулі болғандықтан оқуға қабылдауға ұсынылғандар қатарына кірмеген үміткерлерді Қабылдау комиссиясы күту парағына енгізеді. Күту парағына енгізілген үміткерлер Қабылдау комиссиясы айқындаған рейтинг тәртібімен орналастырылады. Жаратылыстану-ғылыми бағытындағы докторантура бағдарламасына оқуға қабылдау жылының Академиялық күнтізбесіне сәйкес сабақтардың бірінші күніне дейін орын босатылған жағдайда, ол күту парағындағы кезектегі үміткерлерге қабылдау туралы хабарлама-хатпен ұсынылады.



3.5.8. Университеттен хабарлама-хат алған кезде үміткерлер Жеке кабинетте қабылдау туралы растау нысанына қол қою арқылы қабылдау туралы хатта көрсетілген мерзімге сәйкес қабылдау туралы ұсынысты қабылдау немесе одан бас тарту жолымен бұл туралы Университетке ресми түрде хабарлауы тиіс. Оқуға қабылданғанын растаудың қол қойылған нысаны ұсынылмаған жағдайда үміткер Жаратылыстану-ғылыми бағытындағы докторантура бағдарламасына қабылданбайтын болады.

3.5.9. Оқуға қабылдауға ұсынылған үміткер шақыруды қабылдамаған немесе көрсетілген мерзім ішінде жауап бермеген жағдайда, шақырудың күші жойылады және хабарлама-хат күту парағындағы рейтинг бойынша бірінші тұрған үміткерге жіберіледі.

3.5.10. Жаратылыстану-ғылыми бағытындағы докторантура бағдарламасына үміткерлерді қабылдау Университет Провостының немесе оны алмастыратын тұлғаның шешімімен ресімделеді.

3.5.11. Оқуға қабылдау туралы шешімде қабылданған әрбір үміткердің оқуын қаржыландыру көзі көрсетілуі тиіс.

Қаржыландыру көздері мыналар болуы мүмкін:

- 1) мемлекеттік білім беру тапсырысы;
- 2) белгілі бір стипендия және/немесе демеушілік қолдау;
- 3) ақылы негізде – оқу ақысын өзі немесе жұмыс берушінің қаражаты есебінен төлейтін үміткерлер үшін.

3.5.12. Магистратура/докторантура бағдарламасының дайындық жылымен байланысты шартты түрде қабылдаудан басқа, шартты түрде қабылдау кейбір ерекше жағдайларда Провосттың немесе ол тағайындаған адамның мақұлдауымен жүзеге асырылуы мүмкін. Провост немесе ол тағайындаған адам шартты түрде қабылдаудан бас тарту құқығын өзіне қалдырады. Қабылдау комиссиясы Провостқа немесе ол тағайындаған адамға мынадай жағдайларда шартты түрде қабылдауды өткізуді немесе бекітуді ұсынады:

1) оқуға түсуге ұсынылған Университет студенттерін қоса алғанда, осы Қағидалар мен рәсімдердің 3.5.1-тармағының 1) тармақшасында көрсетілген үміткер үміткердің білім беру бағдарламасын аяқтағаны және үміткердің белгілі бір күнге қорытынды транскрипттің және/немесе дипломның ресми берілуін күтіп отырғаны туралы оқуын бітіріп жатқан университеттен алынған растаудың негізінде шартты түрде қабылдануы мүмкін. Бұл жағдайда қабылдау туралы шешімде үміткердің Университетке қажетті құжаттарды ұсыну мерзімі көрсетілуі керек.

2) Өздерінің соңғы жазғы семестрінде оқуын жалғасып келе жатқан Университет студенттері өз оқуын аяқтауына құқығы бар және келесі дәреже берілген кезде өз дипломын алатыны туралы Университет мектебінің қызметтік жазбасының негізінде Жаратылыстану-ғылыми бағытындағы докторантура бағдарламасына дипломсыз және/немесе ресми қорытынды транскриптсіз шартты түрде оқуға қабылдау үшін қаралуы мүмкін. Осы үміткерлер қабылдау жылы бағдарламасының академиялық күнтізбесіне



сәйкес бірінші күзгі семестрдің соңына дейін қорытынды транскрипт пен дипломды ұсынған жағдайда ғана оқуға қабылдау үшін қаралуы мүмкін.

Қабылдау комиссиясының хаттамасында:

- 1) шартты түрде қабылдауды ұсыну себептері;
- 2) оқуға қабылданған күннен бастап бір жылдан аспауы тиіс шартты түрде қабылдау талаптарын орындау мерзімдері көрсетілуі тиіс.

Шартты түрде қабылданған студенттің мәртебесін өзгерту үшін Қабылдау шешімінде белгіленген барлық талаптар орындалуы керек. Шартты түрде қабылдау талаптары орындалмаған жағдайда студент жаратылыстану-ғылыми бағытындағы докторантура бағдарламасынан шығарылады. Мектептер мен Студенттерді оқуға қабылдау департаменті қабылдау талаптарының орындалуы немесе орындалмағаны туралы бір-бірін хабардар етулері керек.

3.5.13. Қазақстан Республикасының мемлекеттік қаражаты есебінен бұрын философия докторы (Ph.D) дәрежесін алған үміткерлер Магистратура/Докторантура бағдарламасының дайындық жылы бағдарламасынан өте отырып немесе өтпей, мемлекеттік білім беру тапсырысы шеңберінде Университеттің Жаратылыстану-ғылыми бағытындағы докторантура бағдарламасына қабылдана алмайды.

3.5.14. Қабылданған үміткерлердің жалпы саны Жаратылыстану-ғылыми бағытындағы докторантура бағдарламасына бөлінген орындар санынан аспауы керек.

3.5.15. Магистратура/докторантура бағдарламасының дайындық жылының бағдарламасына қабылданған үміткерлер өздері шартты түрде қабылданған Жаратылыстану-ғылыми бағытындағы докторантура бағдарламасының студенттері болып есептеледі. Шартты мәртебені өзгерту үшін студенттер Университеттің Магистратура/Докторантура бағдарламасының дайындық жылына арналған академиялық қағидалар мен рәсімдерге сәйкес ағылшын тілінің барлық курстары мен пәндік курстардан өтіп, Магистратура/докторантура бағдарламасының дайындық жылын сәтті аяқтауы керек.

3.5.16. Магистратура/докторантура бағдарламасының дайындық жылының студенті қажетті өту балдарын және/немесе сабаққа қатысу талаптарын орындамаған жағдайда, ол Университеттің ішкі ережелеріне сәйкес Университеттен шығарылуға жатады.

3.5.17. Магистратура/Докторантура бағдарламасының дайындық жылының студенттері өздері өтінім берген және әңгімелесуден өткен Жаратылыстану-ғылыми бағытындағы докторантура бағдарламасы бойынша оқуын жалғастырады деген есеппен қабылданады. Магистратура/Докторантура бағдарламасының дайындық жылында студенттерге оқу бағдарламасын өзгертуге рұқсат етілмейді. Магистратура/Докторантура бағдарламасының дайындық жылының студенттері өздері қабылданған Жаратылыстану-ғылыми бағытындағы докторантура бағдарламасынан өзгеше Университеттің басқа докторантура бағдарламасында оқуға ниет білдірсе, Университеттің басқа докторантура



бағдарламасына өтінім беріп, барлық қажетті құжаттарды ұсына алады. Дегенмен, олар Магистратура/Докторантура бағдарламасының дайындық жылын сәтті аяқтаған болса да, докторантураның жаңа бағдарламасы бойынша оқуға орналасуға кепілдік берілмейді.

3.5.18. Бір жылға кейінге қалдырылған оқуға түсуді Қабылдау комиссиясы Мектеп Деканының немесе оны алмастыратын тұлғаның рұқсатымен ерекше жағдайларда Жаратылыстану-ғылыми бағытындағы докторантура бағдарламасы бойынша оқу басталғанға дейін ұсынуы мүмкін. Оқуға қабылдануы кейінге қалдырылған үміткерлерге грант немесе қандай да бір қаржылық қолдау бөлу үміткерлердің жаңа легін қарау шеңберінде конкурстық негізде жүзеге асырылады.

Кейінге қалдырылған оқуға түсу осы Қағидалар мен рәсімдердің 3.5.14-тармағына сәйкес шартты түрде қабылданған студенттер үшін көзделмеген. Кейінге қалдырылған оқуға түсу үміткерге өткен жылдың өтінімі негізінде Жаратылыстану-ғылыми бағытындағы докторантура бағдарламасының келесі жылына қабылданған болып есептелуге мүмкіндік береді, бірақ қаржылық қолдаудың (болған жағдайда) сақталуын көздемейді.

3.5.19. Үміткерлерге университеттік гранттар, стипендиялар бөлу және ақылы негізде оқуға қабылдау Университеттің ішкі құжаттарында белгіленген тәртіппен жүзеге асырылады.

3.5.20. Қабылдау комиссиясы Студенттерді оқуға қабылдау департаментімен бірлесе отырып, осы Қағидалар мен рәсімдермен регламенттелмеген мәселелерді шешеді.

3.5.21. Үміткерлер ұсынған Жаратылыстану-ғылыми бағытындағы докторантура бағдарламасына түсуге қатысты барлық құжаттар мен басқа да материалдар Университеттің меншігіне айналады және Университетте құпиялыққа қатысты қабылданған қағидалар мен рәсімдерді қорғаудың мәні болып табылады. Оқуға қабылданған үміткерлердің құжаттары қайтарылмайды. Егер оқуға қабылданған үміткерлердің құжаттары Регистратор офисіне тапсырылмаса, үміткер оқудан бас тартқан жағдайда оған қайтарылуы мүмкін.

3.5.22. Үміткерлерді іріктеу процесіне қатысты кез келген ақпарат құпия болып табылады.

#### **4-бөлім. Босату**

4.1. Провост осы Қағидалар мен рәсімдердің кез келген ережесінен босатуды ұсынуға құқылы.

#### **5-бөлім. Уақытша ереже**

5.1. Қолданылмайды.

#### **6-бөлім. Қайта қарау**



6.1. Жаратылыстану-ғылыми бағытындағы докторантура бағдарламаларына арналған осы Қағидалар мен рәсімдер бекітілгеннен және іріктеу циклі аяқталғаннан кейін бір жыл ішінде қаралуы және қажет болған жағдайда қайта қаралуы тиіс.

## **7-бөлім. Өзара байланысты құжаттар**

7.1. «Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасының Заңы, «Назарбаев Университеті» дербес білім беру ұйымының Жарғысы және «Назарбаев Университеті» дербес білім беру ұйымында отырыстар хаттамаларын жасауға қойылатын белгіленген талаптар.



«Назарбаев Университеті» дербес  
білім беру ұйымы  
Жаратылыстану, әлеуметтік және  
гуманитарлық ғылымдар  
мектебінің жаратылыстану-  
ғылыми бағытындағы  
докторантура бағдарламаларына  
қабылдау қағидалары мен  
рәсімдеріне қосымша

**«Химия саласындағы докторантура» бағдарламасына,  
«Өмір туралы ғылымдар саласындағы докторантура» бағдарламасына,  
«Физика саласындағы докторантура» бағдарламасына, «Математика  
саласындағы докторантура» бағдарламасына түсуге қойылатын талаптар  
мен құжаттар пакетінің бақылау тізімі**

1. «Химия саласындағы докторантура» бағдарламасына, «Өмір туралы ғылымдар саласындағы докторантура» бағдарламасына, «Физика саласындағы докторантура» бағдарламасына, «Математика саласындағы докторантура» бағдарламасына (бұдан әрі – Жаратылыстану-ғылыми бағытындағы докторантура бағдарламасы) оқуға түсуге өтінім беретін үміткерлерде мыналар болуы тиіс:

1) Қабылдау комиссиясы айқындайтын тиісті пән бойынша базалық жоғары білім (бакалавр дәрежесі немесе баламасы) және магистр дәрежесі (немесе баламасы) (Қабылдау комиссиясы қай пәннің сәйкес екендігі туралы шешім қабылдауға жауапты болады).

2) CGPA үміткердің ең жоғары ғылыми дәрежесіне сәйкес 4,00-ден 2,75- тен төмен емес; осы қосымшаның 2-тармағында көрсетілген ағылшын тілін меңгерудің қажетті деңгейі;

3) екі құпия ұсыным хат ағылшын тілінде (немесе ағылшын тіліне нотариалды куәландырылған аудармасы бар). Екі ұсыным хаттың біреуін қазіргі немесе алдыңғы жұмыс беруші немесе ғылыми жетекші жазуы керек. Екінші ұсыным беруші тұлға үміткердің қалауы бойынша таңдалуы мүмкін;

4) Жаратылыстану-ғылыми бағытындағы докторантура бағдарламасына түсуге ұмтылу себептерін түсіндіре және ғылыми зерттеудің алдын ала тақырыбын көрсете отырып, 1000 сөзден аспайтын оқу мақсаттары туралы өтініш. Үміткерлерге ОПҚ-ның жетекшілігімен әлеуетті ғылыми жобаларды талқылау үшін олармен хабарласу ұсынылады.

5) GRE тестімен расталған оқу, аналитикалық және математикалық дағдылардың жоғары деңгейі (қалауы бойынша). GRE ресми балдары міндетті талап болып табылмаса да, үміткер бәсекеге қабілетті GRE балы арқылы өз өтінішін жақсарты алады;

«Назарбаев Университеті» дербес білім беру ұйымы Жаратылыстану, әлеуметтік және  
ғылымдар мектебінің жаратылыстану- ғылыми бағытындағы докторантура  
бағдарламаларына қабылдау қағидалары мен рәсімдері



6) түйіндеме (А4 форматындағы екі бетке дейін).

2. Жаратылыстану-ғылыми бағытындағы докторантура бағдарламасына қабылдау үшін ағылшын тілін меңгеру деңгейін тестілеу нәтижелеріне қойылатын абсолютті ең төменгі талап IELTS тесті бойынша жалпы балл (IELTS Online-ды қоспағанда) 6,5 (әрбір көрсеткіш бойынша кемінде 6,0) немесе ETS сайтында жарияланған TOEFL тестінің балама балы (TOEFL Home Edition-ды қоспағанда) болып табылады.

Магистратура/докторантура бағдарламасының дайындық жылы бойынша оқуға түсу үшін ағылшын тілін меңгеру деңгейін тестілеу нәтижелеріне қойылатын абсолютті ең төменгі талап IELTS тесті бойынша жалпы балл (IELTS Online-ды қоспағанда) 5,5 төрттен бір ғана көрсеткіш кемінде 5,0 болуы мүмкін, қалған көрсеткіштер кемінде 5,5 немесе ETS сайтында жарияланған TOEFL тестінің балама балы (TOEFL Home Edition-ды қоспағанда) болып табылады.

3. Жаратылыстану-ғылыми бағытындағы докторантура бағдарламасына түсетін үміткерлер Қабылдау комиссиясының шешімі бойынша мынадай жағдайлардың бірінде:

1) ағылшын тілі қарым-қатынастың, академиялық оқудың және күнделікті өмірдің ресми тілі болып табылатын елде академиялық дәреже алса;

2) ағылшын тілінде ресми түрде оқытылатын бағдарлама бойынша магистр дәрежесін немесе баламалы дәрежені алса;

3) егер үміткер Университеттің түлегі болса, ағылшын тілін меңгеру деңгейін тексеру нәтижелерін тапсырудан босатылуы мүмкін.

**4. Жаратылыстану-ғылыми бағытындағы докторантура бағдарламасына түсу үшін қажетті құжаттар пакетінің тізбесі:**

1) Жаратылыстану-ғылыми бағытындағы докторантура бағдарламасына толтырылған өтініш нысаны;

2) жоғары (базалық) және жоғары оқу орнынан кейінгі білім туралы дипломдардың/аттестаттардың транскриптімен бірге сканерленген көшірмесі (осы Қағидалар мен рәсімдердің 3.2.11-тармағына сәйкес тексерілген);

3) ағылшын тілінде оқығанын растайтын құжаттың сканерленген көшірмесі (тек ағылшын тілінде білім алған және IELTS (IELTS Online-ды қоспағанда) немесе TOEFL (TOEFL Home Edition-ды қоспағанда) сертификаттарын тапсырудан босатуды сұрайтын үміткерлер үшін);

4) паспорттың/жеке куәліктің сканерленген көшірмесі (шетелдік үміткерлер паспорттың сканерленген көшірмесін ұсынуы тиіс);

5) соңғы 12 ай ішінде жазылған екі құпия ұсыным хат (ұсыным хат берушілер Университет жүйесі арқылы немесе сканерленген көшірмеде ұсынады);

6) түйіндеменің сканерленген көшірмесі (А4 форматындағы 2 парақтан артық емес);

7) Жаратылыстану-ғылыми бағытындағы докторантура бағдарламасына түсуге ұмтылу себептерін түсіндіретін және зерттеудің алдын ала тақырыбын

«Назарбаев Университеті» дербес білім беру ұйымы Жаратылыстану, әлеуметтік және гуманитарлық ғылымдар мектебінің жаратылыстану-ғылыми бағытындағы докторантура бағдарламаларына қабылдау қағидалары мен рәсімдері



көрсете отырып, оқу мақсаттары туралы 1000 сөзден аспайтын өтініш;

8) тегінің өзгергенін растайтын ресми құжаттың сканерленген көшірмесі (егер қолданылса);

9) Тестілеу әкімшісінің жүйесінен жүктелген IELTS (IELTS Online-ды қоспағанда) немесе TOEFL (TOEFL Home Edition-ды қоспағанда) жарамды академиялық сертификатының балдары туралы расталған есеп және оның сканерленген көшірмесі. Жеке кабинетте жүктелген IELTS/TOEFL сертификаты оқуға түсу конкурсында ескеріледі. Онлайн-құжаттарды тапсыру күніне жарамды IELTS (IELTS Online-ды қоспағанда) немесе TOEFL (TOEFL Home Edition-ды қоспағанда) сертификаты (2 жылдан астам емес). Үміткер тестілеуге тіркелу кезінде «Назарбаев Университетін» алушы ретінде көрсетуі тиіс. Егер үміткер тестті ертерек тапсырса, ол тестілеу орталығына хабарласып, «Назарбаев Университетін» алушы ретінде көрсете алады;

10) онлайн-құжаттарды тапсыру күніне жарамды GRE сертификатының нәтижелері туралы расталған есеп және оның сканерленген көшірмесі (міндетті емес). Үміткер тестілеуге тіркелу кезінде Назарбаев Университетін алушы ретінде көрсетуі тиіс. Егер үміткер тестті ертерек тапсырса, ол тестілеу орталығына хабарласып, Назарбаев Университетін алушы ретінде көрсете алады.